



志壑堂集

十四

和
1080
74

20E



門和16
語1080
卷14

阮亭選志壑堂詩卷之八

七言律



淄川 唐夢賚

洞閣小集和念東先生

午餘天氣轉清嘉
良友傾樽侍紫霞
隔歲酌來親釀酒
經年開到自栽花
已知耀日金戈淨
好對臨風玉樹斜
加稅正停春雪盛
登臺欲泛斗牛槎

汪健川明府衙齋蕭械支雙扉而卧業經歲矣

高念東先生聞之贈以床始獲高眠此事可

記明府敝衣糲食大率稱是床也

肯使雙溪心事違
琴堂常着故山衣
大床豪氣除湖

海同榻高情說釣磯晴蕙不妨當戶發旅鴻應念倚
門歸巖城歲歲容安枕却卧賢侯白板扉

念東先生招飲載酒堂泛舟題壁

盛事新傳般水陽山鄉風物類江鄉飛橈競渡三農
催繫纜圍看一市忙紫陌樵歌來鷺浦花梢燕尾立
烏檣西隣亦有江南意拔地修篁百尺長

送梅耦長還宣城和海木韵

蘭若相逢意氣傾輕帆又下石頭城難忘碧澗探泉
處不盡黃鸝沽酒情僧館留題題驛館水程作畫畫
山程敬亭倚檻听然笑依舊雙溪夾鏡明

念東先生昆季過山齋看花

那能一箸費千緡祇辱高軒來往頻但肯尋花皆好
友從來看竹問何人細傾目下紅螺盞任倒山中白
纒巾斜日濃陰棋局靜閒庭魚鳥正相親

題載酒堂

頻傳露布下昆明鳳詔飛來租稅輕正好酒人添大
戶不容詩社築降城千層鳴磬聞高瀨一部歌喉喚
早鶯拾翠挑青明日事東阡西陌不勝情

七日泛舟傅家灣同念東先生昆季張可績

瑟瑟清波蘆荻秋山童拽緯勝千牛張騫不見支機
石徐福將爲蹈海舟自許閒情添畫鷁誰能無事坐
針樓那辭欵乃前溪去怕入烟雲無盡頭

初八日同吳海木念東先生公瑜再過傅家灣
避雨道院聽童子絲竹晚乘先生所製新舟
而渡

摠陳樽俎女牛秋聽雨誰能更出遊白浪漸高歸計
怯青山數斷倦雲浮人來珠館聞長笛鳥散星橋趁
小舟共坐斜陽回首望鄉人指點沒沙洲

送袁宣四往天津

紅蓼青蘋白帝秋津門風送孝廉舟西堂鳴角談新
事比海開樽憶昔遊水伯似催人破浪少年慣見客
封侯漫懷故壘今何在秦鏡猶懸寶硯留宣四所居
經秋潦漂
沒殆盡向所珍藏秦鏡
與許敬宗視獨無恙

九日登長白山書堂

酒籌詩債尙賒償斗笠翩然又一方經歲最宜秋落
木諸山惟此寺朝陽高吟吾子稱詩伯爛醉如公屬
酒狂圓澤重來人似故三生石在夢難忘

書堂題壁

一酌流霞百祿適叠觴似欲霸糟丘連床詩句元兼
白對手圍棋操與劉小出衆能傾赤社此行雅不負
清秋却愁澹種田家苦欲聽長林喚雨鳩

木石髮逋賦辱臨聊贈一詩

生平一賦抵千金辛苦山中枉見尋東郭踏穿無齒
屐南窻來對不絃琴誰能慷慨傾囊贈且好從容抱

膝吟話到催租頭總痛相將草檄怨陳琳

元宵前二日朱逸庵中翰座上和念東先生韻

爆竹華燈璧月前聯翩親友醉春筵紅兒龍舞真成

歲鮑老將歌漸有年鰲背擎山休動地初八日妖墓

隔夜莫昇天十六日採茶細話南中事烽火連村亦

可憐時有話點中元宵

元宵前一日韓麗宇郡丞座上和念東先生韻

社事崢嶸散客懷春來我亦逐人來不勞羯鼓銀花

發纔到俳場笑口開明月已昇還繾綣主人暫卧又

追陪太平簫鼓春聲咽誤把萌山作吹臺

題四角蒲扇時立秋後一日

青蒲方扇製來工玉塵虛傳玉腕同四角不成懷皓

月一錢聊亦買清風難遮塵外元規面好撲階前螢

火蟲昨日秋歸西塞上片帆分與釣魚翁

阮亭曰有此雅作便是與謝公團扇並傳

由釣突泉登白雪樓

明湖春日最多情蠟屐悠然逸興生來鶴橋邊王屋

水分金山下叔牙城人因華鵲偏成賦泉為滄溟倍

有聲一任公安添聚訟濟南誰敵舊詞名

送高仲治廷試

海棠閣下送君行北望燕山笑頰生投刺龍門皆孔

李許身鳳闕半簪纓國恩最厚官方始家學親傳

道易成早晚金臺還獻策荷花時節聽車聲

念東先生招同房子明小飲東池上

雀屋蜂衙太鬧生閒人無事自閒行單衣初換清涼
世紈扇重持故舊情杏子如棋方煮酒楊花飛雪未
聞鶯天厨尚憶鱗魚貢携榼誰喚暫出城

阮亭曰風標絕世

送王次公北上

腰裏珠鞭指鳳城綠陰滿路聽流鶯風來趙北蒲帆
起月上江南驛騎行報國松祠題畫處金魚池館賣
茶聲烏衣烏府家仍舊取次燕臺第一程

寄畢子山典籍

芳年草檄阮元瑜白盡鬢鬢一尺鬢江上射潮銀葉
甲嶺南觀獵雪花駒論功差亞新開府掌記還歸舊
直廬昨日一樽分手後吟鞭回首已 皇都

阮亭曰三四神似文長

余志壑堂朱逸庵勸製文窻亮榻雕繪之率答

老屋鴻臚舊棟梁巋然敢道魯靈光

此王鴻臚公故宅今及余已數

易其主矣種花不掩藤蘿戶為客嘗懸書畫床饘粥在斯

還忝竊奉祠於後更荒唐何妨繡柱連青瑣恐負聲
稱志壑堂

寄孫忤庭少司馬

丹杏朱櫻白定甌徵歌都買木蘭舟日長似歲門三

戟坐隱如仙客五侯檻外金衣催進酒階前玉笋報
添籌芙蓉池館雲璈發錯道人間十二樓

寄四川何克東提督

錦江花發敞轅門九塞軍容劍閣尊跋扈降王皆面
縛迢遙禁旅尙留屯亂餘自識張旄貴事定常愁轉
餉煩每愛浣花巖僕射躬耕親下勸農村

寄于子先學使

招賢碣石啓黃扉屈指天街卿月飛事定尉陀知左
計時平禁旅競南歸講堂雨霽枕椰樹射圃晴曛吉
貝衣輦上故人勞問訊聲名早達釣魚磯

釣突泉

徵歌貰酒愛泉清日日歌筵載酒行楊綰乍臨歌酒
減劉伶又醉酒歌成歌闌酒氣兼花氣酒半歌聲亂
水聲春陌踏歌春煮酒酒瓢歌扇聽流鶯

阮亭曰無妨狡獪

王雪因招看牡丹同念東先生孔繡公瑜乃服

如水三首

簪笠單衫上巳天良朋重叠醉高筵花神綽約春前
社詞客逍遙池上篇正好旗於標品格無勞風雨妬
娟妍竹林故事諸君在對酒悠然憶惠連
駘蕩春風爛熳香花神驚見夜郎王別來正憶三珠
樹重到還留半面粧大好從容澆醪醪不煩惆悵怨

青皇酒闌欲借如椽筆潑墨親題再過堂
排當七十七青春似詭疑歌大有神翠袖闌干扶倩
倩紅窻蛺蝶喚真真苧蘿西子原才子姑射仙人是
美人幾里楊花歸路晚馬蹄蹀躞散香塵

王乃服如水兄弟招飲翠瀨園同念東先生孔

繡三首

十畝濃陰隔夕陽袂衣初試日初長鳴泉急管聲相
答竹塢繁花落更香阮籍不妨同我懶次公未必似
君狂隨身筆札閒家具竿木逢人是戲場
樹已成圍感物華羊求重到一興嗟幾人憐笋還迎
客率爾聽鶯又掃花招客篋中斑管具插花醉後帽

簷斜無端絲竹歌聲發不許譙樓奏晚笳

樹影參差竹影稠太平時節此同遊從來竹里皆佳
士不信蘭亭是勝流並坐花間雙鼓瑟閒行晴日一
輕輶瑯琊兄弟招呼火綠幄清泉白定甌

梅耦長孝廉寄施愚山侍講輓詩四章依酌和
之不免聲淚俱下矣

一代詞名付撥綿忍將埋玉錮三泉題碑十字推前
輩結集千秋待後賢不分應劉皆逝客誰知辰巳是
何年無人能贖秦淮海可柰如山悼徃篇

鴈塔春風早識君西曹北闕共論文青原載酒成歡
別白鷺談經憶袂分正是登封除岱岳還誰扈

從賦臨汾。一生心事。嚶鳴盛。值得騎鯨上紫雲。

歌成九問。問天庭名士。胡緣散。敬亭奎宿。伏章司幾。

院文昌。受籙列何星。由來小謝詩。無敵久許。雙溪地。

有靈。悵望美人搖落甚。菲孫與施三詞林先後俱歿 軺車唱徹雨。

淋零。

笛聲嗚咽。出比隣。黍谷蕭條。總罷春幸。舍長歌。應有

客講堂。首善慮無人。書函稱述。王元美。貽上每有札至常稱如愚

山復何憾。哀輓淒涼。梅子真。從此文壇休聚。訟到頭平等。

失寃親。

輓陳其年檢討用耦長原韵

瑤篇每奉喜。成狂畢竟駢詞最。壓場蘿屋便曾知。姓

字笛牀。終未接清光。聞歌易水冠。皆雪爭道。相如賦。似楊北海平原。初不識。遙聽。薤露亦霑裳。

阮亭曰先生憐才如此

謝梅耦長孝廉寄程穆倩所鐫圖章

別時蕭寺杜鵑飛。別後山城樂事稀。丹碧多情閣立

本芙蓉。好句謝元暉。傷離竟幅無歡緒。開簡通身見

雪衣。却喜相如能了事。听然一笑。趙城歸。

壽高念東先生。為八月二十九日。是日乃寒露

節亦一重九也

筵張大野。鴈南翔。百衲雲山木葉黃。玉露自天開。令

節金仙。從昔愛重陽。松間煉藥。陶弘景。市上懸壺費

長房直到登高無筭爵恰宜十日菊花觴

余所乘馬自進鱗魚歸則骨高如削矣詩以哀之

巉岩瘦骨罷鱗魚視爾勲勞欲廢除背上海封飛遁
詔笈中丹篆進呈書難成十萬腰纏鶴險化三山紙
疊驢伏櫪休辭還棧豆龍媒多少葬溝渠

秋絃招飲同念東先生海本麗宇晦修協恭用

海木韵

東亭別後雨紛紛幾度懷君欲訪君見說危樓堪下
榻不知樽酒共論文秋堂破例耆英會野水多情鷗
鷺群兩越三齊吾道在天心特喜放晴照

飲明水橋上

十日滂霖幾日晴寒蛩得意似爭鳴坡陀橋影參人
影嗚咽泉聲亂笛聲粉黛新粧驕入座蘭亭舊本列
飛觥晚涼真覺秋原靜野火初明照耦耕

聖駕幸趙北口恭賦

蘆荻蕭森魚藕鄉溪村陳說見君王柳陰警趣時
時發御幄芙蓉冉冉香遙憶宸歌瓠子口親教
水戰羽林郎雄關自昔稱天險䟽鑿昆明笑漢皇

途逢禁旅南征

月上呼衣甫二更人迎禁旅又南征天街不動妖旗
落銀渚猶回斗柄橫鳴角千營移大燾干雲雙旆拂

高城海波近道平如掌五月兵車復請纓

和馮易齋先生贈詩韻三首

虞卿窮後賦難工踪跡於今似懶融五畝灌園林下
事十年煨芋道人風埋名北嶽雲還北避世東隣牆
復東卻惟芒鞋今浩蕩年來燕越類飛蓬
白雲紅葉衆山秋李郭仙舟得共遊參謁南屏歸嶽
麓逢迎西子醉湖頭舊交屠狗垂垂老過市侯嬴故
故留何幸振衣趨相府絲綸閣下許青眸
偃佺有術駐朱顏蓋代勲名伊呂間談笑座中鈴閣
靜指揮江上羽書閒三台縹緲惟瞻斗四皓恩榮不
入山萬柳新堂冶源竹搖風弄月總多般

和梁蒼巖先生贈詩韻二首

擁帚朝來報主闈手將詩卷謁棠村重遊夢得無花
在老至張儀有舌存一代典型歸杖屨世年風雅見
琴樽火旗正熾鄉心切回首燕山望戟門
金臺十日舊疴增悵望長林念故朋日壓湘簾鬚不
動汗流冰簟寢還典緇塵蹀躞無神駿赤脚川岩有
定僧絛扇何如風外柳高樓搖曳卧陳登

孫樹百給諫吳越歸營萬仞芙蓉齋成和高念

東先生贈詩三章共成八首索和次原韻

歸來給諫策山靈折簡分明慶落成別墅近添花木
勝新齋勢與澗溪爭座間縹緲青巒影檻外琮瑋碧

水聲稍待長廊留醉墨垂虹橋上試茶鐺
枌榆舊社做柴局幾載移家入翠屏絳樹歌雲行復
住平泉枕石醉還醒誅茅種竹開三徑嘆水流觴繞
一亭過客莫愁迷出入浣花溪路向曾經
詩瓢荷笠廢前驅暇日登臨一杖孤八寶歸心青瑣
闥五雲回首射陽湖直將宓子鳴琴意寫入龐公採
藥圖細草如茵應有興小車花下待堯夫
般陽處處列噴岍久作天台洞壑看相國飯牛青箬
笠仙人跨海鹿皮冠竒峰支笠三山翠削壁藏龍百
仞寒總入君家屏障裏東南竹樹更檀欒
晴日蕭閒報主闌來聽撥阮小崑崙重將法曲清商

怨彈入秋歌步夏門

瑟曲

擊鉢高吟嫌閨寂鼓鈺隊舞

太囂喧素心不廢頻來往晨夕淵明卜近村

蒲笠山頭路向東開扉更植菊花叢木奴千樹徵君
宅茅屋三楹處士風丁令乍來驚世改漁郎輕去悵
途窮清秋葉落頻頻掃莫與人間流水通
便云羽化果何曾咫尺三山每獨矜絕粒巢松雖似
鶴閉關結制不如僧孤峰把定塵緣冷土釜牢封黍
米凝何日林泉飛錫杖寒窻細雨話傳燈
十斛珠投揔夜光開函重讀訝非常金莖細瀉仙人
掌玉屑零霏古錦囊短笛高臺新月落曲欄微雨亂
紅香幾回親見成幽賞記取瑯玕蔭筆牀

至巢陵耿又樸館丈贈詩和答三首

危樓光岳淨無埃似約同遊北道來
適館還勞樽榼至登堂喜見綺筵開
興王百戰餘蕭寺高士千金有
廢臺自是尋常磨鏡客主人下榻漫疑猜

以祭姚端恪先師至

阮亭日五
六家莊

青蓮歸後鍊丹砂舊署琳瑯盡國華
碑碣魯連看繫馬陵園巢父聽棲鴉
抽簪東閣勤三事下鍵西堂富
五車賦就新詩如拱璧披吟飛雪並橫斜
時菊月廿九日大雪
並駕曹劉屈指論素裾方雅見吾真
飲醇公瑾先愁醉拂鏡盧能未有塵
與子周旋寧作我如君少壯不
猶人他年砥柱東流日珍重西來一問津

贈鐵塔寺主僧

久住無煩復送迎往來蕭瑟稱幽情
祇愁世法陶元亮豈有塵心竺道生
一水橫橋村市遠六時禪板戒壇清
我來彌勒分牀座日夜傳經鐵塔鳴

穀日和念東先生詩時歲大儉

人日晴和穀日風時光握粟問天翁
傳柑紫陌流三日挑菜青山痛哭中
帶索啓期歌幾疊援干季路舞三終
歲星在國疑無驗愁見西山晚照紅

時歲星在充

題樹杪借山樓用孫樹百給諫韻贈趙晉石

春回寒口已揮戈料理書巢曬釣簑
掩卷諸峰開翠幔張燈灌木起雲蘿
清尊北海宜為樂白石南山莫

放歌不羨元龍樓百尺堯夫自昔此行窩

蒼厓孤館日高眠山靜人間似少年列岫芙蓉疑夢

得孫朴為書一時溝壑對荆川唐中丞滿壁題志懸

泉踈雨鳴空谷遠寺晨鐘度曉煙早晚林塘寒食路

與君斟酌落花邊

誰云名士誦離騷久信乾坤馬一毛憨山禪師句盡道林

宗歸物望可知康節屬人豪聽松蘿屋留笙鶴拜石

甘泉具笏袍好向郭熙留醉墨春山雨霽寫飛濤

二月十六日晴

歸市人稀小巷深閒庭風定散春陰應門以外無童

僕展卷之間得向禽砌草還魂猶憶寒林花帶笑故

沉吟紙錢杯酒清明近拄杖青鞋遊子心

無事

無事高吟無事眠癡頑老子地行仙松風點瑟初鏗

爾花露玉嬌一啣然於世縱關終棄世論年宜杖已

多年差堪笑語耆英會慶弔新交與後賢

朱陸二首

觀場啼笑總茫茫畢竟金谿說最長右傳五章蛇畫

足中原諸子穀亡羊干卿何事春波綠似約曾來燕

尾忙縱使考亭能格物不將樹上結生薑

峯影崔嵬柳影斜竹牀斐几野人家牛皮遮眼穿應

透賣菜求傭益可嗟竹下王猷來翠羽花間阮肇宿

志齋詩卷八
昏鴉小齋深閉偏多事一日山蜂兩放衙

吳王綏山同門二首

越水無情灩灩波方舟南下竟蹉跎如君豪邁逢人少似我浮沉閱世多蕭寺樓船雙命酒吳山風雨再聽歌神仙剩有長春訣椎碎胡琴喚奈何
白下霜朝鴈羽來殷勤邀我共啣杯海中雪浪鯨鯢滅客裏朱提驛騎回逝水無情桃葉渡乾坤有恨鳳凰臺山陽一笛人皆散向秀虞淵賦可哀

和魏環極先生贈詩韻七首

老成奉國在丹書此外經綸有事歟相府懸魚誰不爾汾陽滅伎况其餘烏鴉宮樹朝叅早劍佩天街曉

漏踈寄語外臺諸將吏臣心一片雪冰如

牛角春風掛漢書仰天一嘯獨何歟元戎節制惟朋扣大吏勲名視羨餘無那官多清俸減却緣網密刺姦踈傳聞卜式封侯日驃騎平津嘆不如

荏苒匡衡罷著書人云狂易信然歟香簾寶鼎濃香後結屋丹厓落照餘杖屨名山經世懶趺跏丈室治心踈一從茂叔歸來後吟咏春風恐未如

晝起樵雲夜讀書人間梅市尙存歎音違鴻鴈三秋迥座隔琅嬛一丈餘自笑馮唐雙鬢老或言汲黯世情踈嘗憐正則無情思阮籍途窮更不如

縱然脉望不離書曾識蠹魚一字歟結習化城終有

志齋詩卷八
漏涅槃蔥嶺本無餘。窻前紅雨栽花滿。籬外青山種
竹疎。好語侯芭知此意。雄文原不似相如。

醉後題詩潑墨書。醒來惟似誰歟。松筠小圃遊無
厭。菽水高堂問有餘。舊燕占巢終懶慢。新鶯啼雨太
生疎。傍人錯比佞真子。白鷺桃花定不如。

三世蘧廬註化書。蟬蛸然也抑非歟。聽松貞白成高
韻。種樹陶朱出緒餘。蕉葉卷舒春夢短。笛聲斷續故
人疎。海天石室依然在。莫指南山誦九如。

阮亭日每讀此
等詩令人意消

杏花

清明兒女競喧譁。歲歲鞦韆傍此花。水驛綠楊遊子

轡山村青幔酒人家。寒梅謝後無春色。梁燕來時感
物華。介甫題詩休惡詭。踈枝真與月橫斜。

寄張西山少叅

雙旆翩翩出禁城。使君轉對自承明。題詩玉殿臣方
醉。對雪梁園賦早成。富弼再來原備賑。橫渠年少自
談兵。如今鵠面諸情狀。神鬼應無問賈生。
公先年有
備荒之議

答任海湄少司寇

北舍曲江連轡後。花開花落憶長安。清樽相對如初
識。紫硯猶存感舊歡。宿世尙平司獄吏。前身龔缺老
農官。菟裘已就身將隱。椽筆還求志兩桓。

念東先生別墅看桃花言及捨宅爲書院事歸

來有感夜作六首效堯夫體

鳥在深林魚在瀕卻憐蕩子未安居沙門喚轉留名
教儒術銷歸見性初龍不呈圖原有易魯雖壞壁詎
無書欲知千聖相傳意清夜鐘聲炯炯如
六月炎蒸十月寒心知更不倩人安翹翹自喜離群
跳戀戀無休粘壁乾命中家藏穿羽箭指南天賜定
針盤妍媸莫問旁觀者寶鏡無塵仔細看
學人休問悟如何剪草留根禍正多縱破情癡還懼
死倘明性體若爲魔神仙市上敲瓢樂道士山中帶
索歌萬卷銷來歸脚底此中留得一毫麼
道本難傳譬眼睛但除障礙不添明見紅見白誰能

見生翳生雲我自生雙翼青蠅遮日暗一池秋水照
人清金針撥得光明在笑與千賢把手行
一丸知恥是金丹莫便憂虞莫便寬病肯自醫無病
疾跛能倚杖不槃跚生憐威鳳罹塵網頗惟鮎魚上
竹竿撒手情韁天地濶轉頭長夜已漫漫
登堂搥鼓率狂徒寧爲三餐聊自娛若不關人真性
命何殊坐市惡屠沽雖云玩世牛呼馬自可歸山我
喪吾勇撒臯比君莫怪聞名豈是護身符

再和桓字韻四首

日日棕團趨寂寞朝朝竹樹報平安池魚求友通孤
嶼巢鳥呼名號合歡木筆花繁如侍史大夫松老似

休官司空作違爲生壙載酒吟詩倚四桓
諸公袞袞雲霄上何用長沙策治安歲儉山城愁後
事軍興化日失前歡寧辭烏帽論茶政自照青藜著
稗官老眼拋書渾不解並忘七穆與三桓
由來無法爲君說誰解將心與汝安盛世蕭閒良不
易故人文酒劇爲歡藏名率爾歸千壑入定悠然喪
五官興發踏青騎駿馬據鞍顧盼自桓桓
尉陀奉使煩清詔反側游魂使自安轉餉關山時不
徹投壺幕府日爲歡傾家佐國勤諸路開閣崇文校
列官寄語桂苻諸寇盜征南虎將正桓桓

寄焦石缸副憲

遙傳消息到漁磯近說賢郎入覲歸領袖西臺原累
代連翩小宋又初飛前騶認識新烏府故吏歡迎舊
繡衣列座宣公方抗疏豈云無闕諫書稀

贈歸孝儀及第

一聽臚傳喜不支同人交索舊題詩爽鳩家世言游
里太僕聲華虞仲祠紅藥三台開館日彤雲五色唱
名時定知溫飽非君意玉箸金甌會有期

贈韓燕翼大叅

山家雙戟日高眠菡萏晴開照酒邊架上金經茶正
熟簾前歌板月初圓次公花縣封潘岳伯子昭文館
鄭虔誰信名園嘉樹裏隱囊鬪奕一神仙

再贈石虹司寇

林泉洗耳鳳將鳴，彈指秋官署亞卿。自不吝寬于定國，寧辭補袞魏文貞。廷推物理歸公望，感遇人傳荷聖明。八百諫書知未就，昌黎久矣信陽城。

巢居

浩蕩乾坤蓋把茅，如今銷夏住林梢。黃鸝求侶頻沾酒，烏鵲將雛莫占巢。披斷輿圖無此地，筮來義畫在何爻。全身化作桐花鳳，風雨人間一繫匏。

贈王阮亭侍講

何人載筆氣如虹，玉殿南頭鳳闕東。蠟燭五侯新制誥，鞞韞三影舊郎中。臨軒已得君王喜，仰屋難忘

司扈窮遙計看題，統扇日正開芍藥，照堦紅。

听亭日領
聯極工

小齋

清晨散步小齋幽，碧樹蕭森暑氣收。十斛黍登先釀酒，五分稅足漫持籌。竹能避暑抽新筍，荷欲擎天報早秋。莫笑主人家四壁，金銀花發滿牆頭。

阮亭選志壑堂詩卷之九

七言律

淄川 唐夢賚

寄懷姜玉璿檢討

山海迢遙鬢各皤誰同卒哭與驅歌君當草賦招猿
鶴我亦刪詩廢蓼莪道自灌園秋漸實書如種菊購
來多不知蠟屐西歸後蜃市樓臺幻若何

寄大司農梁玉立先生

投贈新詩重百朋光生斗笠與行滕來迎雉尾傳飛
檄去說龍旗唱采菱作序漫求皇甫謐譚經寧有佛
圖澄隔年銷夏長林卧頗語人曾御李膺

寄孫忞庭少司馬

重提博局見韜鈴，裘帶翩翩禁籞嚴。
振旅有時歸海嶠，輸租何計賜閭闈。
鳳城月上頻行爵，軍府花開不下簾。
漢相曾煩留緒語，一時虎畧未如髡。

寄王阮亭侍講

天垣天市做星雲，置館弘文始鄭君。
明月珠來皆壓卷，黃金臺上盡空群。
喟然乍起花驚露，去矣行歌響遏雲。
退下誰憐青塚淚，舞衣捐損石榴裙。

念東先生架木爲巢復移之近郭

生憎人世有塵埃，結屋林梢亦快哉。
索醉好尋巢父飲，來賓常惹鴈鴻猜。
列屏爽豁開山面，添檻深沉釣

水隈竿木隨身何不可，誰云無地起樓臺。

贈趙子遜歸膠州

暢好開樽醉竹籬，西風痛哭欲安之。
何妨踈布徐元直，豈有胡床戴若思。
支枕黑甜鐘已動，回頭圓嶠岸將移。
由來善奕無高手，悔盡閒枰落子時。

袁松籬留宿山齋有賦奉和

秋堂烟雨起微涼，共對清樽鬢各蒼。
侯霸於今痴似故，次公自昔醒而狂。
風生竹樹花侵幕，雲捲山椒月滿塘。
頗見如君佳客否，敢云蓬海路茫茫。

十二日補登金山

山北下卽金嶺驛

無藥扶衰可駐顏，秋崖忍負菊花斑。
霜林幾處催搖

志寧堂詩卷九
落鴻鴈何年罷往還石似仙人留奕墅寺如古戍設
巖關瑯琊東望休揮淚祇作江南浮玉山

余左腋有伏寒之疾多年矣俎季偉文學來施

鍼灸効如沃雪一詩送之

山人伏疾日高眠微俸君來一霍然秦緩論功擒二
豎齊侯悔過復三日火攻自古稱竒策海藏從知有
秘傳不信鐘鳴鷄唱罷紅輪如日起重淵

見邸抄近事志喜

短髮閒身值太平百年一渡一河清聲歌宰相來楊
縮車馬中丞見晏嬰世事漫愁留鼠穴人情偏喜聽
鶯鳴邸抄閱罷燈前舞舊釀新醅次第傾

孫忤庭司馬歸濟南詩以訊之二首

嶽雲如黛望征旗况是橙黃酒綠時人道謫遷非
帝意我聞忠諫有天知道遙北渚青篔簹笠顛倒南山
白接離君自求歸歸不得買舟南下似嫌遲
屐齒蕭閒自在身湖船賓從一時新年來樵牧偏知
我此後溪山認主人丹鼎漸成孫思邈詩樓猶在李
于鱗鬚眉四皓方辭漢厭說人間手不龜

莫忘篇贈行八首 有小序

司寇高念東先生奉

詔入朝擁爐言別時維長至節屈嘉平笛裡梅花吹
微關山之曲樽前栢葉潑開甕盎之春率賦八

詩以當三疊昔者公孫丞相之計偕也其鄉人
鄒長倩以三事贈之先生東山偃仰久訂鷗鷺
之盟卽今北闕廻翔備悉閭閻之狀茲效驪
駒之唱實聯抱膝之吟蓋義取重申故篇名莫
忘聊附平津賓客之後依然安石嘯歌之餘倘
海內詞伯有屬而和之者抑亦昔人鶯囀皇州
諸什也

五嶽尋師秘不傳經時已證地行僊水天脫帽爭雙
局遙夜挑燈對一編夾獄重煩于定國題詩再詔李
青蓮十年煨芋尋常事莫忘緱山路鶴還
握手河梁總黯然蕭條東海正無年燕臺愁索珠如

米太府誰流鈔似泉驛路懸鶉皆就熟山家辟穀慮
成仙黃金市上饒歌舞莫忘哀鴻雨雪天

火榻梅花佐酒卮同雲漠漠護征旗艱難物力關天
意清白家聲恃主知遠慮從來推郭泰和裏畢竟
讓韓琦治安有策多惆悵莫忘交歡將相時

井賦屯兵振古傳本朝軍制更釐然將休禁旅更
番騎好省官旗轉運錢妙畧武侯耕渭水奇勲充國
破先零西南底定無多日莫忘屯田餉遠邊

霜簡烏臺稟素秋一時絳灌索名流雷冰心鐵骨梅
花賦宋錦軸牙籤文選樓蕭共許咎由能敬獄誰知

劉晏善持籌畢河陽待發棠千樹莫忘常何有馬周

張陸

清俸全分負郭田一龕今擬借僧眠琉璃孤照繙經
火鐘鼓晴催待漏天漫道平吳煩 聖慮須聽入蔡
勒瑤編老臣輪對承明殿莫忘幽風稼穡篇
踏遍名山舊草鞋不辭路滑上金塔瀕行更掃千人
洞屈指猶懷百丈崖湫澗二勞驚海市崢嶸三竺醉
蕭齋春來鶯語宮門柳莫忘東池酒似淮
五畝荒閒一腐儒空慚卜式與陶朱吟鞭瘦影留殘
照禪榻清齋奉病軀竹下寒烏蹲不語沙邊旅鴈凍
相呼王師奏凱南歸近莫忘官紳早免租

偶成

酸齋生計費平章一半枯藤半酒床芒屨焉能周北
岳簞瓢疑並產西方晚年奉道徐元直早歲遊仙向
子長屈指知交零落甚何人泉石似相羊

寄戴岫瞻京兆

前年瓢笠五湖身杖屨從容笑語新蘆葉渡江如隔
世蓮花聽漏更何人襄陽奉道龐居士谷口躬耕鄭
子真老友至今零落甚可憐王翰失東隣

二月一日齋前小山一峯傾

築山時記買荒莊對爾遊心暫解狂蘿蔓春當綠峭
壁螿龍夜乍裂回塘將憑別岫留雲脚好與閒窻放
月光把酒莞然成一笑莊山堂作半山堂

海棠花下

生平不作送春詩對爾佯狂百度思
爛熳移來隨手活飄零開後轉頭遲
初非解事山蜂報悞被尋香蛺蝶
知何似浣紗溪上女苧蘿村裡五湖時

阮亭曰唐人鼓吹集中妙絕之作

自題五畝園

野人何事日歡娛手種長林一萬株
招鳳無嫌留枳棘呼賢欲共闢榛蕪
難忘嘉樹頰成賦待足清陰另結廬
門外便為棲隱處歌聲聊免入蒲菰

刈竹

漫道衰翁不見孫蕭蕭自愛出層垣
拂簷風起時飄

瓦穿逕花生並罅罇固喜櫻桃能入戶
須知蘭蕙忌當門由來五十年宜杖屨
整綸竿鈔水村

阮亭曰雅

補山

補山安得禮園師僕輩經營政自奇
疊嶂重看雲起處雙峰坐報雨來時
向平老矣遊將倦螺祖歸歎卧亦宜
照影乍搖春水綠掌中清對酒盈卮

寄慰樹百

曉夜鐘聲出紫薇傷心莫問縷金衣
清尊歌板時時歇畫香薰香故故稀
夢雨何緣篤瓦墜綠雲常化洞仙飛
芙蓉閣外籠鸚鵡傳說君歸又不歸

春深

畢竟春深樂事多酒杯棋局日吟哦
翹翹紫籜穿林笋漾漾青錢貼水荷
魚下澄塘爭鼓翼鳥來新樹亦
酣歌人生半百宜行樂辜負流光奈爾何

送朱逸菴中翰北上

比隣王翰接清卮暇日山園共鬪棋
此去買舟鷗鷺浦到來簪筆鳳凰池
中丞劍佩荆軻里江縣絃歌季札祠
燕市酒漿尋舊識相逢一道數相思

坐渚頭灣橋上

山下泉清漱石根每來酌水戀苔痕
幢幢晴樹鶯聲囀獵獵風蒲澗影翻
盡日無歸挑菜侶經時不過飲

牛村開花開落年年事漁父多言莫與論

施視山撫軍以散賑過山齋小飲別後寄之

中丞小隊出山城呵殿無聲馬箠輕
長揖乍逢王景畧坐譚真見薛文清
救荒當寧知勞苦籌餉諸賢嘆老成
祇辱草堂嚴僕射浣花焉得舊詞名

新竹二首

生疎檀板與歌裙意思蕭然愛此君
溽暑當風初淅瀝乍晴於月最殷勤
階前萸萸松聲亂山下開樽黛色分
頗似瑯琊諸子弟數時高屐已青雲

梅花釀酒凍松雲此日睜襟屬此君
頭角風前如冠玉旗槍雨後亦能軍
放梢瑞世鸞生尾抱籜通天犀

有紋沉醉諸賢終潦倒好傍綠綺坐清芬

客有謀燒笋者作此解之

閣外榴花笑欲然隔花靜對竹娟娟不妨濫作金尊
會未許頻奈玉版禪與可狂呼噴滿案子瞻大嚼口
流涎何如高卧茅簷下領畧清風細雨天

阮亭日善講處
昔惟坡老有之

巢燕

海樹雙棲又北歸紅襟不與故山違輕風簾幕花初
艷細雨林塘綠乍肥萬里浮名占紫領五侯舊第認
烏衣明年更有新巢在華屋將雛何處飛

新竹

新篁謾謾漲風濤似倚長竿坐釣鼈岷谷笙鳴音未
絕湘江瑟怨淚難消翁孫籬外如繩武伯仲堦前競
奪標欲抱一緡侵碧落阿誰爲我問琴高

黃鵬

桑椹殷紅箇箇添交飛無定語廉纖當風玉笛梅初
落出水金衣雀自嫌樹杪吟詩驚謝眺林間喚酒醉
陶潛開門避雨頻頻說似怪黃公不掛帘

池荷

茵苔飄香撲鼻聞垂簾散帙坐氤氳曾傳洛浦來仙
但不見丹山下鳳群紅影掠波交綠影黑雲過雨漏
晴雲此間阿耨池堪老九品無關與司相吏切勳

小圃

當門一圃作南莊戴笠常愁過樹行次第花生春艷
艷參差月下影蒼蒼瓜成五色垂籬角果熟三時落
苑牆早晚先生還種藥課僮引灌未開荒

憶濟南

福地神霄不易逢名泉七十首芙蓉呂仙祠宇青羊
肆大佛山岩白鶴峯堂下釣魚皆半鱸竹間削杖是
全龍時時畫被吟詩卧隣寺常敲正午鐘

憶天台

道人忽忽老岩阿荏苒翻教閱世多笑種碧桃開又
實愁逢青社哭還歌搖鞭拔宅真君望策杖鳴泉邵

子偁康樂不辭踪跡遍好秋雁宕更來過

趙提鎮以其破賊所獲米千餘石入奏以不及
額不敘余竊謂例則然矣但此需餉之時有
以俘獲入公家者此最不易得倘許其一再
積數總計至及額而後叙之亦足以風示行
間有所裨益偶形歌咏固田野謳吟之遺也
關隘聲名百戰身今瞻粟餉兵人一時寧少臨賁
錢此意誰偏奏紫宸但使將軍爭愛國肯教 天子
獨憂貧諸公袞袞居臺省長慮何嫌入告頻

李敬茲中丞所陳兵屯此時卽戰士不暇及俟
全定之日諸逆所遺舊屯及時籍以養兵策

終未有逾于此者也賦寄伊翁菴撫軍
建節西南漢長卿治安今古重民生已知戰勝黃金
殿漸覺功成細柳營憂國元戎愁轉餉臨邊丞相舊
躬耕撫軍昨有燕山李抗疏分明議太平

山間

亡羊失馬總難憑春杵山間事老能豈有機心還抱
甕更無佛子與傳燈道如鐵壁寧多路意透牢關尙
幾層慚愧侏儒爭句讀猥云絕學果何曾

蓮開

山塘晨報兩花開移置匡牀掃綠苔部曲將歌宋鷺
下雲容似現彩鸞迴難禁照眼偏成詠不放沾唇欲

盡杯雨後園林故鵲喜戒關好日聽人來

阮亭曰五六句少陵幸
不折來若爲看去一聯

過故人舊圃

十年澗壑共棲遲往事哀涼有夢知月照清尊行命
酒秋分霜葉坐題辭鳴泉初引成渠口竹樹新栽見
長時一自山丘零落後閒亭無復水平池

阮亭曰今昔之感令人
意消詩格亦通劉白

夏日閱念東先生向所點定拙詩欣然有作

掩關長夏悵離居稍理前年未了書一字九迴思頓
悟數行重訂氣方舒何曾夢見花生筆聊免人言獺
祭魚不信金門真萬里依然几杖奉吾廬

贈孫樹百給諫

袖手金門日已多，好音重疊下岩阿。
花間直宿傳銀漏，殿上輪班響玉珂。
人道魏徵還嫵媚，我聞陸贄亦蹉跎。
西南早晚銷戈甲，此後封章欲若何？

晉石索詩贈李文玉二首

弋鴈歸來悔讀書，名泉引遶舊茅廬。
年年漉酒憑人老，徃徃披裘與世疎。
種樹蕭然惟閉戶，耦耕率爾一揮鋤。
生平最愛佞真子，西塞桃花策杖餘。
懷抱丹青靜掩扉，滿頭白髮已知機。
玉魚可笑人重見，赤鯉何時客總飛。
鑪內砂成期駐世，囊中藥減漫霑衣。
蔡經徐福垂垂老，且掃三山坐釣磯。

贈聶見白地師

抵掌尼山五父奇，行纏曾不惜雲泥。
尋龍頻過封松樹，認穴重摩築室碑。
赤道天原分兩界，黃河地自列三支。
景純脚底從來潤，敢說人間少墓師。

焦甥永年余字之曰慎思詩以贈之

道心炯炯譬雙瞳，過去紛華過卽空。
自不妄言懷凍水，吾寧溫德志沂公。
當春斑管臨花艷，入夜蘭膏照月紅。
莫謂賢甥多似舅，祇今阿舅太冬烘。

捲卷有作

寒泉徹骨復漣漪，冷煖沾唇始自知。
據座侏儒紛聚訟，挑燈青史半傳疑。
悠悠糟粕斟難醉，望望形聲吠

元鑿堂詩卷九
總癡如此勞心終是錯何如沽酒共圍棋

掘井

鑿井淘空初及泉園丁驚報水潺潺不知滄海無他地祇謂銀河有別天幾道溪光分菜竹一池雲影放青蓮沃焦徃徃皆星宿抱甕何人祇自憐

贈詩人趙尊客

佛閣論詩共一卮子春扶杖下堂時析疑不覺啣杯久抱病常嫌結襪遲未肯隨聲譚北地還同度曲愛東籬阿房賦就憑知已豈有閒人杜牧之

二月十七日作

忍向茅簷問杵春閒身聊復自明農關心事減憐鳥

鬢鬢世人稀念赤松不雨春愁耕澤澤無年夜聽鴈
雛雛金生粟死金還死好語山中那曼容

梭山園留題贈李德植年侄

欲裹行糧汗漫遊廿年杖屨復來投真宜松影臨橋
卧最喜泉聲入座流尚愛名花嫌有漏早完常稅號
無愁何妨靜掩柴門後終日看山不下樓

和張歷友贈海木韵

渭城渺渺繫余懷良燕高朋亦復佳芳草王孫秋已暮
暮青州從事酒如淮可知君是題橋處自此人傳問
視齋便約同行無不可安排行脚舊芒鞋

寄王九功分司

志壑堂詩卷九
三
霜落吳山古木疎故人消息近何如尊前檀板黃金
縷湖上青驄油壁車薄倖分司醒酒後風流別乘放
衙初囑君一事君無忘去燕來鴻繫足書

阮亭選志壑堂詩卷之十

七言律

淄川 唐夢賚

聖駕東巡恭頌奉和相國易齋先生

上林羽獵賦初豪望 幸真傳到九臯俱道臨河歌

瓠子將聞狩渭得英髦燔柴自識神靈喜瘞玉曾無

風雨號老稚一時齊拜舞龍旗細認拂雲高

鹵簿清秋寶扇開關河望氣識東來磨厓迥出天門

上釋菜親從聖里迴豹尾千官分扈從鷄竿五色下

蒿萊懸知 仁主情無極已有 皇恩遍九垓

聖駕東巡紀事八詠 有序 德州道上作

康熙甲子十月初五日臣原任內翰林秘書院
檢討唐夢賚隨原任大學士臣馮溥原任兵部
侍郎臣孫光祀原任刑部侍郎臣高圻臣任克
溥原任翰林院侍讀臣蕭惟豫全至德州與地
方諸臣恭迎

聖駕先到劉智天妃廟詣鴻臚司投職名

皇上乘舟至德水橋口臣等隨地方諸臣跪迎河干
是晚啓奏

行宮恭候

聖安蒙

上問大學士臣馮溥安

命內侍扶歸寓臣等皆退明日早朝

行宮大學士臣明珠口傳

上諭諭鴻臚司在籍官員迎送原有定例又口傳班
次儀注遂導引行禮於

宮門又云

皇上聞大學士等來迎甚喜是日卽跪送

聖駕於德州南郊

上召大學士臣溥

垂問起居以次詢侍郎臣等年齒諸臣姓氏臣溥奏
天氣寒冷請

皇上早回宮

上云朕尚欲至南京欽此臣等躬逢

盛典親瞻

天顏凡見之儀仗之下或聞諸父老之言肅成歌詠

播諸臣民竊附於擊壤之餘聊效夫華封之義

云爾臣夢賚謹記

咨巡方岳有常期繡斧仍當罷遣時暫輟 講筵親

攬轡不聞 傳趣聽扶犁蓬門寶映蛟龍扇茅屋簷

遮日月旗村樹郊原晴更綠小春 臨幸與天宜

閭閻情事欲周知不為名山競祝釐罷射 行宮張

御樂放朝委巷出 鑾儀合圍自按風雲陣止輦常

聽水旱詞漫道太平無一事却教開紫羽林兒

內侍勲階辨羽翎大臣班次列晨星角鷹過 闕揚

珠鏃旅犬隨營繫寶鈴乘坐終歸照夜白攬犁原讓

海東青時平宿衛生髀肉擒虎南山問不庭

御道歡迎禮法寬秋毫不動鬼神寒雀翎內侍更番

問鱗墊 天親隔座看後乘牀帷知宿具 上方尊

幕見傳餐取民一粒收司敗千古重勞記注官閭旗

取民一乘稗者奉 三木囊頭以徇於路 音

節鉞中丞似水清太和宇宙卽韶諫割牢東國編鐘

發除地南山殷禮成譚笑秦碑無隻字絃歌魯殿有

諸生繪圖玉帶空多事著述無煩漢長卿

長樂鐘聲憶早朝此行敢憚草鞋遙胸臚有約臨珠

館羽衛相將渡板橋上駟閑如輕玉勒中人雅不喜
金貂 天王更愛垂綸好一試吳歛超越躬

澤畔行吟傍直廬相臣玉珮曳長裾叨從魏闕三常
侍憶共鸞坡兩上書按轡紫霄詢姓氏宣 綸黃閣

問興居却容草野聯鴛序應念 先朝舊石渠

上諭如臣克薄臣
夢賚便服迎送

齒髮餘生趨 闕過舊臣幽夢破岩阿三雲宮幕開

聞闔百里行城掣橐駝野服漫驚來驚序山呼有

詔許漁叢罷朝中使勞申問封事前年意若何臣等
朝畢

二使追至儀仗外問臣夢
賚所參何人係何年事甚悉

乙丑元日立春

果然臘盡卽春交微幸臺官演此爻望氣 鑿儀回

北闕占年彩仗出東郊鳴鳩次第調新舌梁燕安排

認舊巢莫信開門迎福喜芒神簫鼓溢蘄茅

代贈歸惺崖侍讀

憶自彤雲捧日升早知温飽傲王曾論文偏識蘇明

允獻賦從喚吳武陵一節已成天下士數端除有古

人能蔚州百拜公無讓公主試北闕宿弊頓清關後
魏環極先生向公四拜海內

傳 四海交遊共此稱

阮亭日孝儀此一
事自足傳其人

送趙仲符太史北上

三疊驪歌奉一卮進賢上賞更何疑官階卽伴 青

宮讀掌故頗承黃閣咨造次王猷期看竹指陳嚴羽
畧論詩何時文正泉亭畔細說長天秋谷詞

座間和念東先生

柳浪捎簷泛麴塵相逢一日罷樵薪誰知羯鼓催花
者總是芒鞋訪道人大笑保虫皆寄客偏宜野鶴似
閒身龍華盛會吾徒在莫待僧菴話宿因

哭焦石虹侍郎十首

隔年未過鄭公間入戶繩繩盡雪裾除目已成前世
事即抄猶見故人書公歿後見公遺驚心知舊偏零
落痛哭歎名本緒餘不佐司農歸亦得那能七十定
懸車

音問遙傳萬慮輕從來事事讓無生拋殘七尺懸魚
袋羨煞三山折脚鐺金殿可知聽漏苦玉樓寧待引
年成西園寒食林花發回首溪山盡有情

阮亭曰秋墳鬼
唱亦喚奈何

拍碎瑤琴喚奈何百年心緒轉滄訛鳳池同學垂垂
盡馬鬣相知漸多殿上夔龍歸碧落林間巢許葬
雲蘿女郎山下西州路馬策猷門忍再過

紫霄恭獻萬年觴幾日猶分鷓鷯行抗疏正煩天下

計時方有同署公拂衣敢道古人長誰曾九列登黃

閣不鋼三泉樹白楊未必沉疴無藥石支離却剩老

馮唐公於二月八日入朝慶賀十日

阮亭日五六
如冷水澆背

王公濯濯好丰標幾載詞曹憶共寮按轡雲中雙建
節埋輪烏府再鳴鑣南迴告墓鄉關斷北望辭朝涕
淚遙辱在葭莩聯未譜生憎丹旆故蕭蕭

書札頻傳欲請休真如無意待金甌常垂溫語成牽

率上屢有老成歷練之褒豈不榮歸柰卧遊曾上佛山君獨健

重談燕市我先愁浮生有限無深惜此樂云勝萬戶

侯

節鉞中丞公望隆崇封司李晉階同一門盛擬王摩

詰四世賢於陳仲弓賸有閒亭欵水水誰來支枕共

松風魚經分典荒詞在余前送公比上有魚憑弔青

經花史來分典之詞

山淚眼中

司扈持籌百度繁老臣盡瘁復何言忠勤自得同官

喜超擢偏承 聖主恩愁見輶車來北極將無秘器

賜東園酬勲有典平生事早晚牲牢出上尊

出入靈旗左右馳雲車風馬悵何之天邊草賦兒郎

偉地下修文絕妙詞釋褐尙如前日事抽簪漫恨去

年遲卜商李賀皆無恙今古文人共一卮

海外石龕星漢槎故園夢破是誰家諸溪北岸楊皆

絮一夜東風杏盡花未必清明懷麥飯將母阿耨泛

蓮華與君細說三生話青葢紅衣未有涯

送劉乾菴

青山叠叠水潺潺常笑浮雲讓
我閒十六國書成孝水五千言
註就牢山尙平故里無多路
梵志遊踪未肯還日望杜鵑
飛不到和誰烟柳唱陽關

題高公瑜庭前老杏

芳樹當庭曳絳紗斧斤以後更
槎枿名園競讓花前輦野史
應修杏世家同圃蒼松驚鬢
鏘晚林翠竹欲欹斜赤城有
句何人道一望丹樓似暮霞

樹百招飲座間和念東先生

笠堂清嘯萬林風尋壑崎嶇路
亦窮夾谷群峯爭向拱禹王
諸水盡來同憑欄睥睨青巒
外把酒從容畫閣中寄語南
垣佳子弟

張南垣善疊山其孫尤精此技可曾親到洞

霄宮

送畢子山郡丞之任贛州

章貢高衙二水圍使君五馬去
駢駢停橈欲賦滕王閣把酒先
登燕子磯望闕

即舊孤臺

便應回書省承恩未許戀斑衣
嶺南說有紅雲社好奉親闈
數顆歸

寄祝忤庭兼慰悼內

嘉節蒲觴金叵羅安仁腹轉意
如何天臺小別聊行藥蒙叟長
呼欲放歌青鳥自然歸碧漢
黃姑依舊下銀河鳩摩失笑
原多事須信彭鐘事更多

雅集載酒堂

隔水朱橋宛轉通茅堂欄檻勢
浮空泉來縹緲層巒

外客似帆檣畫舫中次第林塘春競綠等閒絲竹醉
扶紅漁樵不禁頰來往支枕無人北牖風

登黟山鄭康成書樓讀吳海木題壁詩

故人舊墨重岩阿與客登臨此再過經歲荒祠還俎
豆幾年絳帳更笙歌涼颺霽雨生丹壑返照深林掩
翠螺連轡西歸回首望兩峯三竺近如何

集載酒堂同念東先生松籬孝廉賦

嘉會香山歲有常比隣酒旆故央央雙溪宛轉三湘
近一棹潑洄九曲長碧樹歆如臨衛瓘火龍退似罷
張湯將歸漫賦公無渡唱出新詞昨夜霜

送阮亭宮詹北上

時奉使祀南海便道歸省

皇華著述四三都握麈來同舊酒壚庾嶺梅花如故
否曹溪衣鉢尙存無何山勝蹟停橈賦幾處都官負
弩趨聞道使君當請沐那能少別錦秋湖

阮亭曰清
空一氣

畫餘亭落成

臨砌匡床盡日支山翁於此畧相宜攤書梧影頰成
夢佐酒蟬嘶不自持芾芾拂簷花發後蕭蕭鳴葉雨
來時未知與道相應否老覺塵情百弗思

臘日道長白山中將之霑化會英李吉津先生

母夫人

余歸田後疏自余事者蘇給諫環中
諸編修震坤與先生凡三人先生其

指各
者也

白嶽寒泉此再過，凌冬絮酒問清河。不辭脫帽揚眉好，總失圍爐袖手多。仙兔有懷煩頰望，僧桃無分儘吟哦。籃輿倒坐承初旭，一一寒帷放翠螺。

酒熟

酒熟西堂意興酣，短檠殘卷菜根談。雖云碧樹臨雙檻，祇得黃梅共一龕。雪霽搖鞭尋鄭五，時平鼓掌笑朱三。樂丘新卜逢人道，小出溪橋近邑南。

丙寅春以耳鳴習靜村墅

長繩繫日亦黃昏，彈指年華逝若奔。豈有膏肓真結瘡，從知桂附定奇溫。蠹魚且置烏皮几，觸角新開綠樹村。漫道此公猶矍鑠，回看同籍幾人存。去冬聞姜玉齋詩已

丑同館山左
止余在矣

高仲治每海棠花盛時招客奉觴紫霞先生喜

和斯作

高樓歲歲宴晴花，座上花枝壓帽斜。好事主人孔北海，賦詩學士李西涯。黃鶯傳語空惆悵，粉蝶臨風定怨嗟。喜奉萊衣無筭爵，諸賓不醉漫還家。

孝水西村初置時有鴿一樓，余惡其害人稼也。並羊數百頭俱去之。今歲村居堊壁開窻，易其額曰借鴿得時眺覽焉。

納納乾坤借一枝，開籠放鴿正相宜。憑將別館營巢日，漫憶危簷哺子時。掃壁伊威驚割據，撲簾蝙蝠怪

侵欺槐安小國原如此寄語飛奴莫自疑

集載酒堂送朱逸菴和念東先生

試茗披襟水竹隈經時逢集亦佳哉一聲邪許蘭橈
發數子丁東玉局開金井闌翻新譜出青精飯送隔
溪來不辭嘆雨十分醉簷外巢鶯勸舉杯

和張石年明府

兩穗三岐太熟生竹枝裊裊放歌行將踞龍峽穿山
水來發琴堂漱玉聲志壑蕭閒雲樹暗菜亭高敞灌
畦清祇愁焚券田文里畫出錢鏐競渡城

阮亭曰都非
俗吏所有

程穎菴見過孝水西村送之歸

文酒前年醉雪峰別來詞賦更從容七絃所往如騰
鶴五畝相過爲籀龍自有黃金招碣石漫勞白髮住
臨邛憑君苦憶曹司扈謂秋岳一曲山陽百事慵

送施道抒還真定

重煩襪被過山莊細數邯鄲大父行無復雲中還魏
尚虛勞殿上說馮唐授書豈敢承遺履作黍居然拜
下床此去故人勞問訊好云志壑醉修篁

易齋先生惠詩見訊奉答

溪村種樹足行歌偏喜公詩惠我多甯戚南山成斷
往孫弘東閣得重過終宵鶴夢神常遠一耳蟬鳴聽
屢訛竊喜蟬身尚在披書驚又惜蹉跎

自臨淄村壘歸答張明府

文仲墩臺管仲碣談天無復向諸生
乾時帶雨常流急齊圍經秋已盡傾
愚谷一峰堪對隱晝城十畝舊躬耕
幾年不到荒寒甚何限登臨弔古情

看阿石泉贈畢信涉

幽人寄興在岩阿得意林泉不在多
磊磊似槎浮碧落涓涓幾派下明河
漫云博望支機石直作蘇門安樂窩
元愷一堂君信否呼名披簿試如何

溪村偶成

簞笠郎當一老生
勘心久已罷浮名
初無紫府千鍾粟
賸有青山百畝耕
斜日影將沉澗壑
幾人壽肯易

公卿前溪楊柳藏書屋
陶峴三舟早晚成

阮亭選志壑堂詩卷之十

七言排律

淄川 唐夢賚

代贈青城周明府

周南宮人

小清河外錦秋湖細柳營中周亞夫兩次曲江題鴈
塔幾年畫省對香爐頻申鄉約能除盜稍緩催科卽
免租世治自關尹保障時清寧讓范萊蕪有人傳檄
消諸孽何法捐金救大無 聖詔三薰三賜沐仙喬
一日一飛翬好將潘岳栽花譜寫入南陽燎竈圖

一日... 志壑堂詩卷十一

阮亭選志壑堂詩卷之十一

七言律

淄川 唐夢賚

丁卯元日

霄竹踈梧柳赭黃林臯小閣名曉起一相羊年周納甲身猶在節度嘉平歲漸長臘月初八日為余誕日也苦憶瑯弓懸澗戶行堪藜杖倚山鄉傳柑何事听然笑久濶知交有報章

孝水之濱余種樹二十年皆成圍矣將築楊柳山莊添一酒船已有為余畫圖者前年或刻字於樹云此處茅容曾避雨不知誰是郭林

宗不書姓氏今年放生磯碑粘一箋有用舍
自關憂樂志菟裘何事隱天民之句題七言
近體一章又不知爲誰筆乃和之亦粘於碑

陰

溪畔行吟亦有人憑誰高揭姓名新提籃未見仙過
市拄杖多同客踏春已掃漁磯題燕子行商酒舫歷
湖濤何妨花露闌干句再識西堂毛澤民

四月南坡故里

時方延孔繡修邑乘
兼携行學聽講麟經

三十餘年返故莊呢喃燕語菜花香不辭野史勤隨
局曠有經師得負牆山藪勾萌堪入饌板扉搯柱總
成床鄉隣莫怪今扶杖自識前身唐子方

館南坡以事返志壑堂

杜門無分與探竒吮墨徵書共酒卮溪屋巉岩纒幾
日柑花林笋又多時一重一掩山遮寺三起三眠女
絡絲却怪道人絲不斷修琴更有入城期

阮亭日中二
聯愈諷愈佳

輓畢公權解元

枉遣招魂向十州回春無藥使人愁三階芒角瑤光
墮一夜琳瑯碧樹秋不分緋衣仍此詔生憎劄記又
何樓聚奎抱膝須臾事寂寞誰堪老太丘

贈客兼懷程穎庵

蓬門喜見尺書傳彩扇分明下洛川五字長城韋應

物一行鐵畫柳誠懸來同幸舍三千客不爲華山七十泉座上伯牙琴總在鍾期更去到誰邊

過青雲寺

沙門閒引入巖阿杖履重來鳥道訛遠寺山遮先見樹行樵路轉尙聞歌平臨翠壁開蘭若還踏虹橋禮佛隄好語他年堅此意青雲回首悞人多

贈于振甲中丞

燕山胙土賜盟書盛事典朝紀石渠閣內甲兵雙老子殿前詞賦兩相如勳階九列尊誰重屯衛三民氣盡舒小市田光今已老英雄欲識笑談餘

送宮定山學使

雨餘花事又怱怱駘蕩春衣送曉風良友漸遙聞嘆鴈壯夫才盡罷雕蟲三間蘿屋青楊岸七尺藜床白髮翁鳴角寒帷雙建節從知世上有英雄

入城飲張孝廉酒卽贈

志壑林深日日關經時村墅暫來還冠裳蒞事金鶯樹介胄迎人玉笋班客久農奴成法侶雨餘餉婦亦歡顏幾時經卷勞元度小與頭陀住故山

溪上

楊柳爲村孝水濱應緣畧現郭駝身嘗從春杵逢知我每與腰鎌見故人一箇漁磯聊復貴千頭枳樹未成貧十年漫下金城淚小有經綸手不龜

題張明府醒亭

命飲寧鑄座右銘自緣人醉與人醒酒名且畫吟詩
壁廉字行題御墨屏渡海安榴三逕紫過江盧橘一
簾青定知賓從留連處還似廬陵記序亭

新竹

風和竹院報平安有客來過倚檻看不數三株踈玉
樹難言九畹弱芳蘭無林未敢供藜杖小用還當製
簪冠幾日茂林添伯仲方塘崒崒晚山寒

書錢撫軍所贈放生磯圖題詞

般陽西岸孝水東迴盤陀林麓滙而爲淵邑
人士勒石放生於此有年矣吳興錢郎亭中

丞題詞示禁旣已榜之別墅借鶴樓上爰爲
圖詠以志之

回塘孝水鴈來初錦字翩翩下做廬雲護金鈎搖草
樹日臨寶訓照蟲魚從懸棹楫群瞻眺自後綸竿久
廢除何似志和西塞上元真署字野人居

收蜂

蜂房小構宛山家五月分蜂感物華茅土一龕門乍
貴風雲半部陣無諱蜻蜒避宿臨池樹蝴蝶爭巡別
圃花寄語園下今仔細夜郎一印兩排衙

阮亭日語
帶詠諫

送劉乾庵

元壘堂詩卷十一
四
聞道東村有下泉琉璃數頃照泓然
引泉別圃澆花樹分注前溪灌稻田
諸子轉輪供餅餌列孫次第受
經傳不知襍被緣何事荏苒旗亭筭酒錢

晨起入城度橋馬逸而墮

歲時欵段出山鄉村市周迴有底忙
久許腰繩窺露井憑誰脫帶繫浮航
行春躡躡應扶杖對客樂跚且負牆
信道康衢多折軸後來攬轡漫飛揚

和石年明府

竹杖龍鍾白疊巾也難抱甕得閒身
敢矜綠酒還知已久拚黃花不及人
泉郡舊封愁酪酩蘊山新構喜嶙峋
魏公漫與秋容較紅藥三階又早春

感題

桃笙涼沁愛荷離初雪如拳凍柳絲
年譜未成司馬史田租敢負大農期
炳香告夜將何語服穡逢秋定可知
雙樹依然傳回首冲昇妄語又多時

題畫贈周燕客

秦岱橫陰長白前嶙峋孤館自年年
每聞松壑常鏗爾久直蘭臺亦厭然
爲寵林花加九錫不辭名嶽錮三泉
司農建節常隣近頗喜詩筒來徃便

已巳寄孫作庭少司馬

華辰歲歲拂鸞箋此日題詩更可傳
自以法尊頒列相真爲御果啖群僊
丹臺誰道臣增紀輦路親承

帝問年於例尚難同洛社敢云四皓有唐宣

庚午元日

蛇尾崢嶸急景催三時的歷斗杓回溪村久為聽泉
住花逕長因看竹開餽歲已承蠲稅詔祈年更築
謝恩臺棲遲倍信無求好更不在呼如願來

早從元日約諸儒又揭門丞換舊符宴罷屠蘇懷客

去夢回輝爍悟年徂履聲橐筆來岩穴曙色分編對

竹梧約同修郡志諸文學舊雨漫愁霜隕麥春和預卜太平圖

臘月雨其占為麥秋隕霜至期往往以細縷橫拖之蕩其露則霜輕每驗

天寧寺塔

寶塔崔嵬倚太清回看珠斗石闌橫夢遊不識鈞天

樂宴坐初聞子晉笙雨打金絲音競作風微鸞鶴夜
群鳴諸方行脚行還住靜聽西來說法聲

辛未元日

納甲纔周又五庚閒身粗健目雙明窮冬爛熳藏花
塢垂老精神煖藥鎗抱愧故人還健飯生憐鄉里善
蝸爭欲矻俗耳聽鶯語看掃荒村事耦耕

題官壩上土室

溶溶春水正相宜久廢郊遊懶不支棹轉南山搖翡
翠溪平西堰淨瑠璃鶯將坐樹留人語花且飛筵佐
客卮重上危欄題舊壁蒼厓如障夕陽時

濟南歸途題友石園

志壑堂詩卷十一
六
豪筆東歸計已成芳園出郭近清明牆低不碍峯巒
影門敞曾無剝啄聲移入層林新畫壁坐來孤館舊
題名豈緣麋鹿山中慣畢竟郊原萬慮輕

五月十八日題借鴿樓壁呈念東先生

杜門漫復笑楊朱轍也而今庶免夫浪讀西銘知有
累結隣南郭幸無徒通宵灑脫談風月連苑陰沉樹
竹梧更不春之庭已盡葺堂初葺擬金鋪

阮亭選志壑堂詩卷之十二

五言絕

淄川 唐夢賚

長白十二詠和祖公

幼安初割席挂帽海東頭驅將雷雨部來護法王遊

龍頭嶺

年既老不衰幼好此奇冠攬德輝而下試將丹鳳看

鳳冠岩

徐福故遊仙鞭橋操尺策穀城有老人化作支機石

騎天石

虬藤張翠幕四虛裊無著覓空不可得問汝爲誰縛

縛空

雨後山泉壯斜陽萬道明古人無所似水比古人清

澗清水

阮亭目妙

峩峩白嶽路斑駁綉成堆白雲原有約倦住碧山隈

白雲

岩花與林鳥相對話無生美人不可見稽首黛螺青

頂千佛

阮亭日喀然更欲無言

雲林未可極尋幽得此路鐘鼓報新晴多少行人度

橋百花

山秀白雲外此壁與雲齊去天惟尺五凡夫莫浪題

留題

不勞乘赤鯉飛去踏東瀛諸君但跋跡足下看雲生

會仙臺

不鑿亦不甃淵淵涵古井山人莫深汲味與瑤池等

鷺子井

山居晝粥時臣門清如水大旱化為霖臣心長如是

范公泉

午晴

不得閒消息緣無驛騎回臨風窻莫閉雨自故鄉來

題耦長修竹美人圖卷

志壑堂詩卷十三
拂石坐修篁吮筆得清曠將無梅子真乃在稽康上
涇縣紙千坑不足了公事每當山水間沉吟有遺思

阮亭選志壑堂詩卷之十三

七言絕句

淄川 唐夢賚

普照寺和珍公韻

尚平早歲辦青鞋未挂三衣願已乖
百道鳴泉千箇竹何山爪髮不堪埋

阮亭曰勝願阿瑛儒衣僧帽道人髻之作

石橋霜徑與林通古屋寒烟禮大雄
嶺外人家三萬戶不知支遁住雲中

哭王永壺少宰六絕句 有序

壬子小春一日念東先生顧余曰偶作一詩試

會意嘗大不樂也詩云一夕霜風玉樹驚蒼
茫天道信難明桃花嶺畔空相憶果否飛輪
向赤城余駭然問海豐得無有故乎蓋桃花
嶺爲楊太守故墅也先生曰是矣已別去余
悽惋無以自釋旣不能往哭公於邸第又不
禁志從中來俯仰今昔遂成數絕山丘零落
薤露易晞且柰何哉

案頭嘗見君平卜太息還疑理數乖服烏何來公已
悟天台端可繫青鞋

連蹇素旄鳳城東二仲棲依蔣徑空不信蕭齋圖籍
外梅花猶作隔年紅

公小齋盆
梅最盛

天上夔龍饒偃仰林間麋鹿亦棲遲山公待漏年來
頓野服何妨倒接巵

綺席銀缸照夜忙紅牙何事罷飛觴不知驛路三千
客幾處題詩哭鄭莊

阮亭日有
聲有淚

訪戴重經柵葉村巴山刻燭話黃昏於今無棣頰來
路白馬寒烟掃墓門
黃梅再世緣何似紅藥同看願已灰長吉樓中成獨
往葛洪川畔好重來

泛錦秋湖二首

落盡紅衣唱采蓮菰蒲漠漠碧連天隣舟借問無魚

賣知是南村放鴨船
漁家結屋列芳洲
水盡南雲散菜疇
他日諫茅三畝
地柳陰須起望湖樓

抵白雲精舍有感

弗齋新住碧山中
鳥道裴回草又封
漫說息肩歸去
好杖頭辛苦幾千重

口號

眠起閒行亦偶然
坐來支杖為晴川
奚童莫採林花
去驚醒山麋子母眠

阮亭曰妙作百鍊竟不可得

出山示亦雲及家弟涼武

鐘鼓空山意思新
芒鞋雨後恰無塵
五更下脚羊腸路
記取懸燈蕭寺心

青雲寺答十師

瞿曇但道本來無
暢好金鋪借給孤
不信肉邊清供好
請看六祖打圍圖

早起入山探泉

疎樹晴嵐黃大癡
微烘榭葉與鴉脂
小春載酒尋僧
日又是新紅殘綠時

阮亭日畫意

晉石與余弟涼武鐫詩石上

山房晏起日三竿
鐵筆生花入夜闌
回望丹崖留醉

墨蚪文鑿破曉雲寒

宿漢思兄弟齋中

林巒深處卽仙莊
湖海寧分上下牀
曳杖月明歸去晚
一聲水調唱伊涼

九日登長白山書堂

蕭寺曾爲銷夏灣
杖藜坐斷水潺潺
重來猶記懸燈夜
只似前身衲子還

烏道雙肩童子扶
神臯北望一山無
錦秋湖外雲垂

地怕是魚郎大小沽

和徐東嶽

感懷四首

海鳥翻飛過近溪
晴川晴日碧巖西
漢陰已老心猶

在閱世何曾若木鷄

學癡不就漫遊仙
痛哭蘭膏祇自煎
策杖蘇門堪一嘯
稽康枉著養生篇

尙平生死更何疑
半百蹉跎病不支
孺子應知橋下意
枯松頑石盡吾師

伐毛換骨信還無
駭浪千層得一壺
轆轤三關通鳥道
分明經絡似輿圖

神仙動好說金砂
白日飛昇事亦誇
誰肯十年携藥裹
黃精白茯苓如麻

寄畢載績索芭蕉

雨罷回看壁上梭
閒庭抽卷碧如何
秋來漫置藏經

室夢破誰能得鹿多

念東先生祭告過里奉贈三首

桑神紫極降黃麻
馳告洪荒帝子家
都說相如偏論蜀
稚川誰信爲丹砂
采真舊夢破岩阿
桑櫓瀟湘木葉波
朱節渡江歌吹緩
君山一點綠嵯峨
烟水逢迎路杳茫
歸衫猶帶曉蘭香
經年問訊無他事
世味何如道味長

濟南歸途卽事

客路斜陽夏政苛
竹堦揮汗廢吟哦
捲簾倒坐君無笑
苦處回頭樂更多

石榴亭下唱歌新
太守風流慎莫嗔
一葉小舟千斛

酒荷花開後待遊人

寄牛次月太守

有約西來近別村
歸途無那已黃昏
幾時載酒明泉外
藕葉清溪繞寺門

廿年銷夏共啣杯
侍御閒亭長綠苔
不信主人真懶慢
殷家泉上不曾來

傾蓋亭題壁

學道虛心是聖基
偶然屠釣亦堪師
如今端坐臯比者
好向郟城問仲尼

浦口

下掃如林捲白波
金陵江上柳婆娑
年年砍盡青絲

短客唱陽關可奈何

阮亭曰好柳枝詞

金陵二首

文定橋邊雲水屯危闌相向似溪村於今始識秦淮渡桃葉橫舟只對門

阮亭曰風味佳

馬前秋水綠人衣馬上鍾山濕翠微把酒不煩歌玉樹吳王舊內晚菘肥

虎丘二首

酒帘歌舫鬧姑蘇日日笙簫日日湖不為荆襄催戰鼓居然一幅太平圖

阮亭曰不朽之作吳俗顧如充耳何也

偏宜高屐點蒼苔古德門椎法座開借問遊山諸女伴可緣居士散花來

宿固陵夜作四絕句

山谷老叅無隱禪不聞聞處與誰傳如今江上難迴避撲鼻風來載桂船

北客來惟厭稻梁魚腥酒蜜不堪嘗道人得授毘尼戒玉版禪叅酪乳香

僧伽繞座號經行一杖而今顛轉萍微幸飽叅三大士雨花南鎮冷泉亭

知命無如納土良不懸左纛亦封王八千父老真無

計於越由來歷世長

客座偶成

鼓角天魔演傳奇不過死別與生離却緣嘈雜三杯酒
悞我還丹活子時

湖州舟中三絕句

苕水西流下太湖盤陀山脚樹模糊閒亭添箇人扶
杖承旨家藏松雪圖
垂天巨艦翼蓬蓬水轉吳興棹轉東騎坐瘁龍人不
識披襟錯認大玉風
蚕姑田祖祭無祠束藁燻天亞竹枝江國新春傳故
事紅燈雙照夾靈旗

梅堰四絕句

舟經梅堰小停橈何事軍容旗幟高一歲田蝗關祭
賽大家鹵簿接天曹
荷花時節夜遊燈幾日秋湖唱采菱重見吳江煙樹
裏長竿船載打魚鷹
篙師鷓首拜拋符不惜金錢奠一壺好祝卦媿春事
近花旛招展送姑蘇
繫纜漁村日未斜相尋唐舉問年華堅車肥馬渾閒
事看踏芒鞋也到家

慧泉秦園

嘉樹堂前月拍門活流灑灑激山根江南踏遍亭臺

好第二泉邊第一園

高郵南郭二首

河工日費水衡錢何事饑民去市廛津貼漫勞動異
省好興大役救荒年

阮亭日亦
見經濟

辱子泥塗嘆折磨一回晴放又高歌不知災戶蘆蓬
底敗絮霜風對若何

平望二首

把柁船頭喜若狂岸頭收纜緩鳴榔長年緒語煩清
聽風滿雲帆且半張
江湖苦餉厭談兵始識爺娘大有情平望村中今夜

雨和風細浪穀紋平

桐峪留題三仙洞

龍泉菴濕易生蛇石罅窠深卵出花便見三仙君莫
怪水邊產鱉長蝦鱖

長安道上和念東先生贈詩四首

留語蒼頭護竹籬閒塘任泛碧漣漪野人塵市無多
住屈指歸來花滿地
竹樹園林開不開禪關剝啄意悠哉晚雲如嶽連天
起枕簟將聽夜雨來
翡翠池塘萬斛珠月臨碧樹影來徐山泉鳴處荷香
發銷夏銀灣恐不如

曉渡桑乾近鳳城婆娑雙鬢老何成黑甜鄉好人輕
去誰道鷄聲非惡聲

王綬山所寄之馬死三首

棲遲外廐欲如何付與虞人齒已多此去追風應認
路芙蓉城裏伴青羸
主人舊是玉堂身紫電青韁不起塵後死半年猶有
恨大荒多恐跨麒麟
郵泥未試付塵埃天馬行空世莫哀久矣敝帷零落
盡不妨省井葬龍媒

晒魚

針頭蠶尾認洋洋逐手春波放艷陽罷講兒童備好

事百回來看曬魚秧

袁松籬同宿別墅語次有作五首

漢闕秦宮十二樓御溝流葉動人愁畫圖但恨毛延
壽可道王嬙命不猶
戰罷鳴金士不囂平明列局子聲驕祇言三北乘朝
氣誰信君朝亦彼朝
正則離騷氣若虹可憐掉臂馬牛風巫陽更莫爲天
問從古多言數易窮
舌傲瞿曇力不勝由來四衆喜膏騰杞人剩可閒無
事一任不周山自崩
夜闌林屋把深卮聯榻高吟醉不辭自笑生平慚劇

孟何堪七日長衰絲

青蘿洞寄念東先生

洞前春水鸚頭綠洞外晴花雉尾紅老樹陰遮棋酒
路主人何處聽晨鐘

阮亭曰唐人卓女壚頭金線柳隋家隄畔錦帆風
貪爲兩地行霖雨不見池蓮照水紅一首同意皆
工

晉石來卽事有作

一揖交歡笑語譁堦前連殼長山茶閉門高卧成何
事無酒留人亦看花

製杖

回首嗟此五十春臣當壯也不如人祇今池上龍鍾

你好伴山中耽髒身

阮亭曰
好詩

袁秋絃告歸過之座上燕子來

前年梁上語留連今日山村暫解間可愛故交如燕
子主人歸後總來看

山查花

凋謝瓊花第一流維揚弔古動人愁銀堆玉簇圍丁
笑不信唐毳讓繡毬

新竹二首

穿塘觸石與山通小圃焉能困籜龍也似山人幽興
發引鞭吟過槿籬東

牆外人行見翠螺一時沽酒欲徵歌却愁三徑琅玕
滿二仲來如杖屨何

夜來大風杜少陵所謂謂綠垂風折笋者殆不
能免

無端損我綠琅玕少女佯狂尙未闌且復盤餐還跨
鶴園丁不必報平安

蠶

曲簿春蠶瘦不支愁吟寧獨麥秋遲蠶眠須似希夷
久眠到田間桑賤時

卽事

踐更不後上租期麥隴腰鎌負一卮何事林間還偃

寔殘書拋枕夢來時

過故人舊圃

逆旅栽花計總非花開幾見主人歸祇今老樹陰如
雪寧獨金城柳十圍

讀史二首

脫粟寧關漢相貧孫弘不改住山心汲生眼孔青綾
被日向君王怨積薪
躡足真王與假王君臣一向費周章前年風浪淮陰
市多少寒鴉叫夕陽

念東先生聞余出遊寄詩報之

樹影東時我亦東野人偃仰亦何功可知湖海安眠

處正在公卿榜腹中
拄笏虛傳對晚宰事平終欲復堂封語公一法公應
笑衙散高眠報國松
白帝遲回不可招祝融無賴火龍驕將無黃閣清涼
甚自有薰風傍赤霄
青蘿洞裡舊聞吟百道鳴泉百尺陰便說河豚堪一
飽不應苦笋爲抽簪

阮亭日蘇
黃佳處

山臺新築憶啣杯門外青蘿遠屋栽焉得王喬傳秘
術朝天飛去暮飛來

卽事

老僧洗盃綠陰遮說似前生事太賒圍隸停鞭前致
語向來曾吃趙州茶
蟋蟀迎寒得意鳴同人曾此共南征祇今道左秋蟲
急故作前年趯趯聲

金陵道上雜咏

鬢髮風柳綠絲偏畧似倡條髮覆肩卻出秦淮相問
訊子今不見已三年

阮亭日風
情帶人

蓮葉田田蓮子稀風翻一片蕩漁磯祇如解制僧初
散都着西天壞色衣

阮亭日妙於僧
衣學水田多矣

畢竟高風讓法融
神仙不離富家翁
妻兄他日來相訪
贈與多金王屋中

六代紛華賦子虛
臨春結綺復何如
意中人物爭消歇
不忘松風陶隱居
自古多情屬婦翁
呂公焉得號英雄
閱人多矣惟君貴
尙有巖光與葛洪

阮亭日自是快論

漂女灘頭漂母祠
丈夫不必屬男兒
市交祇論金多少
說與淮陰伍相知

金陵南下卽事漫興十三首

頰懷墮馬舊雲鬟
昨夜維舟瓦屑關
燕子磯頭偏不

見酒闌人已過三山

高張蛛網斷蜉蝣
燈火扳留夜不收
爭怪波空無片櫓
早來軍帖下封舟

六代詞華付一丘
欲澆盃酒斷磯流
不緣重見江山慣
曾上勞桑天盡頭

猥云虎踞與龍蟠
浪引金戈耀日寒
蘆荻蕭蕭秋夜永
祇今璧月冷漁竿

一瓶鉢暫無家剩
有閒情攬物華
不識東山緣底事
遲人白社着袈裟

奕奕采恩寶墨留
都將歌舞破除休
景陽辱井臨春閣
形勝何曾據上游

風轉蘆稍細細生免教駭浪令人驚來舟去舫交相
羨自在雙帆碧障行

早掛南風午北風來舟留滯去舟空誰知向晚風難
定都鄧南蓬掛北蓬

阮亭日透熟
世故之言

五夜銀濤夢不驚隣舟催起喚宵征雖云風便雲帆
疾且讓前行我後行

離別天門十七秋梁山誰信是梁州當時元白曾同
夢未共慈恩寺裏遊

遠遊豈有定針盤徑轉峯迴水幾灘始悟陰山人失
道浪云北斗向南看

屹立江心不掩扉薜蘿小殿長垣衣祇應喚作夫人
廟不許傳爲寡婦磯
掃地晴堦金粟黃雙株穠郁憶樅楊何期風定鳩茲
道撲鼻山家小樹香

鍾山

內官含笑殿門開坐看閒樵去復回芒屨玉階秋草
滑腰鑷直下孝陵來

阮亭日甲子
南巡親祭孝陵諭禁樵采卽此一事度越百王矣

毘陵卽事

沿溪水長稻田荒估客藏如驛路忪大有前村烏桕
樹經秋葉似去年黃

聞後船誦詩聲

搖櫓頻看掌上珠教詩不暇唱吳歛人間恐是天墮
子曾具茶鐺筆格無

嚴陵釣臺

文叔悠然尋舊歡總如共卧釣魚灘子陽陸戰徒尊
大直得將軍一笑看

阮亭日恰尋
出此一事

山清水麗意蕭然新室紛紜自在眠遲到知交為帝
子婦翁梅福已神仙

阮亭日
又妙

去此何方可寄儂桐君與我亦桐封斜陽支枕船頭

卧留戀桐峯塔下松

吳興東郭名初識柴埠西溪號不同屈指三千里外
客阿誰解笑摸魚翁

再作釣臺詩

群山叠叠水層層詞客探竒每一登試向咸陽秋草
望燕歌聲遍漢諸陵

三衢西郭

平明漁婦早梳頭裙屐翩翩約遠遊遠去不離殷浩
宅撐篙為看放鷹舟

宿張村

寒花常帶佳人色削壁猶懸高士風舴艋漫嫌天地

志壘堂詩卷十三
五一
小一行人在越溪中

掛帆不盡為葦菜題句寧堪報酪奴
焉得雲林稱好手晴窗忙煞醉工夫

泊窄溪埠二首

山尾山頭江轉深
艤舟不渡總沉吟
鷓鴣源口帆斜掛
直取傍風下武林

莫問楓紅與柏紅
家家簷外一叢叢
北人慣見山多少
纔長松杉便不同

武林卜寓

井巷仙橋小市通
貫茶訪舊主人翁
傲居還憶吳山角
野鶴祠前石壁東

掉臂何難抱一岑
死生所重在同心
故人將去來相見
可及青州有傅霖

憶綏山

偶成

瞑目前遊識翠微
意中歷歷至如歸
重來城郭渾如昨
不是千年丁令威

過昭慶寺有作

南渡吳山西子湖
君臣那得醉工夫
當時遺恨知何在
多少痴人夢畫圖

賀李古津先生冢君思行登第

曉日爐烟想 聖儀多賢釋褐拜丹墀
何如元夜聞鐘後
掃雪吳山禮佛時

辛酉元日同思行禮佛吳山

清明前二日題載酒堂和海木韻

石几迴塘位置新
三年重到舊遊人
山泉破凍溶溶下
取次鶯花送好春

賀魏環極先生二絕句

東祀迴鑾鹵簿新
官家取次畫麒麟
昇平宴罷紅綾宴
解使天心重直臣

修篁漲綠影離離
山苑芙蓉水漾池
遙識文貞占後報
平章再見魏申之

七月二十四日

午前睡起小周天
此道今人不與傳
遲到黑甜渾不醒
憑他華嶽幾多年

贈馮相國易齋先生致政歸里二十首

奏凱昆明露布飛
六龍遼海祀陵歸
良宵早賜

昇平宴齊國嚴光
掃釣磯臨胸有嚴子釣臺乃史所稱齊國上書處

侍衛扶遊傍帝床
瀛臺宮殿御書房
仙源流送彫

胡飯傳勅行行奉玉觴

驪歌翰墨滿皇都
歎息賢哉二大夫
供帳東門楊少

尹特實抵相國先後同致政當時曾繪此圖無

江湖魚鳥久忘機
幾箇龍鍾未拂衣
漫道宗臣黃閣

老健身誰許鳳池歸

四十年來樂聖杯
天衢早倦屬龍媒
三台交卷綵綸

簿還我閒身老茂才

九重惜別勸加餐父老相迎叙故歡每憶青州從事
好床頭榆黠賜金看

亭臺竹樹碧如椽淵水深沉龍母眠歐冶池頭精舍

在政勞聖慮築平泉御賜詩有平泉語

結伴金龜舊酒徒乘船騎馬醉模糊青山不用一錢

買多事君王乞鑑湖

雲門山下草舖茵駢邑城南路絕塵不識潞公聯洛

社耆英人格幾多人

絲穀醫貧病不支司農蒿日未班師躬耕亦是元臣

事正使臨邊將帥知

阮亭日是贈宰相歸隱非一丘一壑常語

裴休相國舊傳燈故事龍華記未曾門外先皇蘭

若在何煩策蹇遍金陵

雲坊指綠掩莓苔豈易丘園共一杯曾道南陽桑百

樹綸巾幾日賦歸來

阮亭日猶聞辭後主不復卧商陽自是千古恨事

一校林泉秋影澹千官環珮海波潮青山叱犢諸峯

應錯道鳴鞭又早朝

阮亭日較自傳青山句在之句蘊藉多矣

平晴輪輓厭諸藩夏稅秋糧子細論近奉宸音留

大腕就中曾否及兵屯

珠館金庭鳳女臺向平五嶽亦勞哉蓬萊咫尺家園

近跨鹿三山日幾回
帷幄淹留因命將英雄退步總明農鄰鷄喔喔青綾
被自在眠聽報曉鐘
雲臺麟閣畫凌烟從古君恩未易全試問勝朝諸將
相金華學士老青田
十千簪下錢無算二頃田收鶴有餘多少侏儒愁索
米一囊粟外是刑書
不敢昌言且放歌如公那得便漁養田間辦稅終傷
急關塞兵糧可若何
旗亭貰酒高常侍澤畔行吟唐子方何日杖藜來岱
嶽重綠看竹過山堂

終

阮亭選志壑堂詩卷之十四
七言絕句

淄川 唐夢賚

癸亥元日詩五首

傳道元宵元旦前神祇總覲玉隆天想緣萬國朝正
耳誰定神霄亦賀年
街鼓尋常攪夜眠鷄鳴依舊日昇夫星回斗轉原如
故多事臺官妄算年
彭鐘亦是小神仙置曆由來問度纏合璧聯珠成甲
子一元運世始經年
郭郎鮑老鼓闐闐花勝銀幡取次鮮彩服明粧兒女

事老人見慣不知年
鄉情守歲說團圓但道征人百慮煎我不離家如野
衲淚痕何必重今年

和海木

玉版新叅拄杖來不辭當戶卓蒼苔此君那便閒無
事來管瑤編開不開

半面江湖說棄餘常憐雪片入籃虛官郵黃帕銀絲
繪却喜山塘二寸魚

阮亭日風
人之致

月紅花艷壓簾香抽玉新篁編棘忙五運寒涼煩製
藥蒼頭厚水種良姜

寄施硯山制府十首

片紙黃麻出禁城一時驚歎有同聲濟南三十年來
事僕射親民類父兄

兩峯三竺亦吾廬未免東山問訊踈閩嶠游魂煩
聖慮相公那得在中書

平陽清淨蓋公堂節鉞三齊惠澤長祇道鄴侯催入
相又煩敦促舍人裝

佛山晴雪照牙旗列陣鳴螺演健兒都道轅門觀射
罷挑燈讀史少人知

穎昌下箸將母甚魯相懸魚亦大難幕府盤餐兼味
少淮南親點九還丹

尺水滇南波漲時神京密邇佐興師軍中草檄親磨
盾批答無勞劉穆之
毳帳行營節鉞尊曾緣散賑下山村不聞呵殿中丞
出小駟輕裘過韋門
展卷流連一放歌班荆捫虱事如何井蛙陞戟聊堪
笑豪傑應推馬伏波
夏稅秋糧民命蘇好從開國定規模伏聞漢帝唐宗
事再世全蠲天下租
竹枝唱徹老蕪夫彷彿香山與大蘇逐隊兒童歌入
相那容官事了西湖

送吳海木南歸六首

征帆日夜運河飛不下淮陰舊釣磯好鑿汝陽通泗
水三千里外送君歸
爲訪閒圖志壑堂方舟聯句下般陽小山曲沼藏書
屋再見花開木葉黃
聚散浮生休便休不堪憶舊使人愁三旬休夏墨香
館九度看花烟雨樓

阮亭日讀此等
詩輒喚奈何

病瘡愁臨鴈蕩池桂林石笋費吟思晚年五嶽懷禽
向重訪孤山未可知
異域蘋婆子細嘗胡桃碧樹本寧羌南潯家釀西溪
笋不數齊州餅餌香

神遊八極誰知已換酒金龜亦快哉故事謫仙狂李
白任城兩過竹溪來

載積州守以大橘樹見贈結子纍纍數十顆遣
八役輦致之附以小詩向時孟議仲績兩公
皆有贈樹故句中并及之

庭柯移贈最殷勤感激諸公義若雲慚愧田家無
齒簿八驥前導洞庭君

阮亭
曰雅

橘實茶旗榴子風亭亭碧玉小山東一時過訪臨嘉
樹卮酒能忘賦角弓茶榴等樹皆向
二公所賜者
支遁開亭新畫舫靈岩蕭寺舊吳宮幾回鄧尉成虛

話此日飽看霜樹紅

余數約友訪元墓
看橘未果往也

籬菊飄香薜荔摧初冬搖落對銜杯好花鎖閉藏春
鳩聘請圍棋橘叟來

聖駕南巡回鑾恭頌十二首

兩宮待上萬年杯歲暮喧傳 巡狩來好製竹枝宣
樂府屬車齊唱上之回

天孫巖嶽穆陵關十二河山有 賜顏寶墨留題蒼

壁重不徒瘞玉是封山

東嶽峻嶒列鎮宜峯巒兀兀亦雄奇勾留尚有黃華
洞古木鳴泉 駐蹕時

六代繁華古帝墟雨花臺上駐輜車天花亂墜真如

雨可及蠲漕一紙書

等閒壁合與珠聯大道無為法自然寄語儒生須細

讀乾行躔度本同天上召儒生講無聲無臭章有盡人以合天之論

漢家豐沛事如何馬上讀書不用多是處江山留

御翰他七字大風歌

雲生蝌蚪照垂魚木客山魃總廢除八部龍神來夜

月常防風雨護宸書

蘭棹嘔啞第二泉虎丘勝事至今傳吳人風俗千人

石佛閣茶寮壁月前

宋人南渡不堪稱萬國衣冠說禹陵南鎮空濛山色

好過江一步見西興

冷泉亭古樹崦岬一路巖光竹筧斜指似蓬瀛何處

是御園澗水落浮花聞御園湖石刻澗水浮花字

皇衢八駿日駢駢風不揚塵雪不飛爭怪嚴冬天更

暖南巡鹵簿賦當歸

天馗六轡駕飛黃徧采風謠入未央舊史逢迎那足

道欲聞新政被詩章

濟南上元竹枝詞

七十名泉賣酒旗晴湖風漾綠差池西郊得得遊人

盛酌突泉看御製碑

千佛靈岩一路青五峯道士夜彈經楮錢香馬閒鉦

鼓拜到天孫普照亭泰山建亭額勅

盪槩漁舟去復回松陰殿角小銜杯明湖何處挑青
好比極高臺謁廟來

白雪高樓接呂祠問山亭子昨題詩少陵子固堂堂
去賣餅難尋舊侍兒蔡姬滄溟先生侍兒

阮亭來移竹作二絕句送之行

捎雲和月出蓬門緘字桓臺子細論竹譜於今煩再

注明年載酒賀龍孫

不許開花結鳳巢石帆亭外雨聲交此君應聘殊光

寵百里安車藉白茅

阮亭曰他日又增一則佳話矣

和贈靜一上人

摩訶峯下碧山隈禪板經床護綠苔苔上分明留屐
齒趨州行脚過山來

阮亭曰好

答張明府

種樹漁磯向背宜濃陰常怪起亭遲盤陀亦有千人

石欲仿湖心載酒時

聖駕南巡恭迎紀事十六首

康熙己巳孟春欽奉

上諭南巡視河

聖駕啓行在正月初八日

萬國朝正出翠華

宸遊穀日散晴霞將填橫海龜

鼉窟好泛明河日月槎

扈從供應皆出在京所司

勅傳萬乘裹行糧供張天厨本尚方一路扶携惟拜

舞窮鄉容易見 君王

聖諭下河尚未底績

金龍廟口神靈喜清水潭堤濁浪平昏墊淮揚煩

睿慮司空早計告功成

廷議河工通塞

聖主親臨歌瓠子波臣爭敢漲桃花却知漢武當年

事負土公卿枉怨嗟

上諭禁颺遺科派騷擾

輦路清塵罷獻酬幾回軍帖戒神州壺漿亦是先民

事禁旅搖鞭未敢留

上諭禁經過地方刁訟

漢唐羅織到無辜告密當時肯禁無羆諭都教驚法

網抄傳萬里太平圖

恭迎

聖駕於德州四里屯

文臣衍聖公巡撫以下武臣駐防總兵以下皆至在籍諸臣至

者原任內閣大學士李之芳原任兵部侍郎

臣孫光祜原任詹事府少詹事兼侍讀學士臣

王士禛原任翰林院侍讀臣蕭惟豫原任翰林

院編修臣田需原任翰林院檢討臣孫勳原任

神木道副使臣陳洪諫勅封郎中臣李浹惟

原任刑部侍郎臣在克溥原任內翰林院秘書

院檢討臣唐夢賚前奉

上諭許以便服迎送

六載 時巡又屆期勾陳重見羽林兒諸臣道左迎

塵望八里屯營午膳遲尚膳時

聖駕至諸臣跪迎道側上巳辰問衍聖公臣孔

原任兵部侍郎大學士臣李之芳好巡撫臣錢瑋

安國臣陳俞侯上日朕識之及按察使臣王樞驛傳道

鹵簿無聲侍衛行紫微垣野斗杓明小臣造羽班聯

後也聽如綸問勞去聲

行宮諸臣請聖安賜酒饌者七人行聖公臣孔

毓圻大學士臣李之芳巡撫臣錢瑋侍郎臣孫

光祀少詹事侍讀學士臣王士禛總兵官臣曹

應鵠布政使臣衛既齊上諭之芳光祀士禛

先歸濟南侯駕內侍傳問馮大學士來否又

去此幾許里云今年八十一歲行動扶掖去此

疾對云止是老疾

龍團翠釜定如何內醞分明法製過一盞分來王學

士宮詹扶歸馬上醉顏酡

十四日恭送

聖駕於德州南郊上遣問檢討臣唐夢賚臣具以

部侍郎任對回奏畢駕行又遣問原任刑

正則離騷漫自疑微臣名氏有天知東巡南幸頻

垂問萃蓋雲燄駐蹕時甲子迎駕內侍

御宿舖十四日駐蹕平原七里

宮幕穹窿宮漏移貔貅萬寵簇雲旗黃屏遙見青藜

火知是懸燈草詔詞

上諭蠲租全蠲山東二十九年錢糧先歸諸臣跪

接於濟南之西郭李大學士臣之芳孫侍

卷一百一十四

郎臣光祀並奏皇上蠲租洪恩臣民共被浩蕩之恩振古無比撫臣珏奏蠲租上諭臣已連日夜飛傳訖即與諸臣謝恩

五色鷄竿下海隅 九重節省得知無山東父老相

迎嘆來歲田間盡免租

聖駕至濟南在元宵後一日

酌突仙祠 御製亭激湍碑版照泉清元宵亦是張

燈節可奈金吾不暫停

御題作霖二字 賜

拜讀清漪立撫署 一濯纓濟南大吏總聲名珠池

夜夜神龍護又賜 宸書錢淡成

聖駕過泰山先歸諸臣送聖駕於濟南南郭上問李大學士之芳今年幾何精神好對

云臣年六十八歲近病少愈但覺年衰問孫侍郎光祀年幾何臣七十六歲問王詹事士禎幾時進京對云臣以丁艱歸服關患病又問已好否對云今服藥少愈上又問何時入京對云祇在今歲再問學道臣任壘駕行

普照虛亭敞泰嶺泉林 轟轟徹淪漣春山晴暖如舍

笑前歲燔柴 玉輅還

敢云太史更陳風也在茅簷歌舞中才子過江從獻

賦上林羽獵待揚雄

烟生林樾... 爽前... 普照... 七言絕

阮亭選志齋堂詩卷之十五

七言絕

淄川 唐夢賚

和王信初觀龍舟二首

試馬挑堤不起塵... 夢付與前賢自主賓... 浩蕩漁舟去復迴... 散寂寞魚龍入夜哀

和信初贈隱菴詩

隱菴善琴

淺挑輕剔入微茫... 問楚光明曲奏中堂

志登堂詩卷十五
和法黃石先生贈顧苕文三絕句

楊柳平川趙大年晴牕焉得趣江天紫陽十日滌霖
裡筆筆濃雲寫巨然

兩月齋頭苜蓿盤當山置榻似袁安纔聞絹素峯巒
起對客停杯也過看

號召笙歌着意吹吹開雨伯與龍師留君夏木重陰
下細與晴山掃黛眉

雜題謝文侯畫四首

渾脫瀏灑氣若虹晴光十九在空中臨池八法生平

拙一見公孫定不同公孫大娘舞劍圖

辛勤關吏望朝霞白髮巾車子午斜或是西周來往

慣此行未必入流沙老子出關圖

水宿沙停傍鴈鴻尋常不過一漁翁麒麟閣上英雄

懶始識鳴夷葉葉風漁舟圖

舊事陳橋感慨深一時蹴踘論同心不緣雪夜賢昆

季床下閒看瓜子金宋人打毬圖

鼓光寺同吳海木許靜修

杖履雙臨去復回五年夢破碧山隈樵歌聲起雲岩

裏似有三生圓澤來

南湖

瑟瑟雲林晚照湖亭亭波影立浮圖攝衣絕頂憑欄
去便近諸天星宿無

曾愛泉山風物清。家家崖樹小池明。此間孤館聊成
醉。不是神仙石曼卿。

和海木柳枝詞

落帆西麗拂平橋。惱亂薰風長舊條。遲到中秋良夜
好。大家賽月動香橈。
垂簾水閣罩層臺。戶戶張機內局開。買去合歡裁褥
子。老娘樹下數錢來。

嘉禾竹枝詞

蝴蝶高飛晝閉園。捉迷闔草過黃昏。南朝秋壑無消
息。堆隸如山蠶蟀盆。

和古燈和上

梧桐道院秋風裏。午睡南窗日已斜。憶自香岩聞擊
竹。似曾親喫趙州茶。

阮亭曰不成此
宋各流風調

贈古燈禪師

羅漢聞香漏聖胎。鼻根不斷惹塵埃。鐵舟一樣花千
樹。香過金明寺裏來。

阮亭曰禪悅之
作往往必傳

嘉禾道院留別桂花

小株夜夜對深杯。未免并州首重回。好語花神須解
事。人歸明日便休開。

留題舊館

詩版蕭然行脚僧閒雲舒卷伴枯藤試探南北峯頭
色翠入湖橋尙幾層

釣臺題壁

振衣危磴酒初醒水落桐江露乍零須信好山秋不
到經霜烏桕樹猶青

偶成

翻然長嘯出溪亭魯道龜亡爲殼靈莫替戴逵愁欲
絕江南自有少微星

題畫送王阮亭學士二首

溪樹層層淡墨痕斜陽着我立柴門長官大好田租
畢不怕人知黃葉村

場圃蕭閒罷耦耕擬歸林壑小飛觥寒梅自分無
息賸有琅玕瓊碎鳴

題朱竹垞太史小照

刺促東華倦不支灞橋風雪繫人思一鞭羶歷閒吟
眺歇後何如命相時

